

შევიდეს შემდეგი ცვლილებები სსიპ - ივანე ჯავახიშვილის სახელობის თბილისის სახელმწიფო უნივერსიტეტის წარმომადგენლობითი საბჭოს 2018 წლის 12 თებერვლის სხდომის ოქმით N1 დამტკიცებული მედიცინის ფაკულტეტის დებულებაში:

1. დებულების პირველი მუხლი ჩამოყალიბდეს შემდეგი რედაქციით:

„მუხლი 1. ფაკულტეტის ცნება და სტატუსი

1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის (შემდგომში - „უნივერსიტეტი“ ან „თსუ“) მედიცინის ფაკულტეტი (შემდგომში „ფაკულტეტი“) წარმოადგენს თსუ-ის ძირითად სასწავლო-სამეცნიერო და ადმინისტრაციულ ერთეულს, რომელიც აკადემიური თავისუფლებისა და ინსტიტუციური ავტონომიის ფარგლებში უზრუნველყოფს სტუდენტთა მომზადებას ერთ ან რამდენიმე სპეციალობაში და მათთვის შესაბამისი კვალიფიკაციის მინიჭებას, ასევე ახორციელებს სასწავლო პროგრამებსა და სამეცნიერო კვლევებს მედიცინის მიმართულებით.
 2. ფაკულტეტი ვალდებულია, შეუქმნას ადეკვატური პირობები სტუდენტს და ფაკულტეტის პერსონალს სწავლის, სწავლებისა და სამეცნიერო კვლევისათვის; უზრუნველყოს მეცნიერების შესაბამის დარგში თანამედროვე სტანდარტების შესაბამისი, მომავალზე ორიენტირებული განათლების მიღების შესაძლებლობა და მუდმივად იზრუნოს სასწავლო და სამეცნიერო პირობების გაუმჯობესებაზე.
 3. ფაკულტეტის სამართლებრივი სტატუსი განისაზღვრება საქართველოს კანონმდებლობით, თსუ-ის წესდებითა და წინამდებარე დებულებით.
 4. ფაკულტეტის ოფიციალური სახელწოდებაა - „სსიპ-ივანე ჯავახიშვილის სახელობის თბილისის სახელმწიფო უნივერსიტეტის მედიცინის ფაკულტეტი“.
 5. ფაკულტეტი ოფიციალური მიმოწერისას სარგებლობს საკუთარი ბლანკით. ბლანკის გამოყენება ხდება ფაკულტეტის დეკანის დავალებით ან თანხმობით საქართველოს კანონმდებლობით და უნივერსიტეტის შიდა სამართლებრივი აქტებით დადგენილი წესით.
 6. ფაკულტეტს აქვს ზეკედი და შტამპი, რომლითაც სარგებლობს კანონმდებლობითა და უნივერსიტეტის შიდა სამართლებრივი აქტებით დადგენილი წესით, ასევე - თსუ-ის ოფიციალური ვებ-გვერდის ფარგლებში არსებული სპეციალური განყოფილება.
 7. ფაკულტეტის მისამართია: ბელიაშვილის ქ №78, 0179 თბილისი, საქართველო.
 8. ფაკულტეტს აქვს და საქართველოს ექიმთა ასოციაციასთან ერთად ერთობლივად გამოსცემს სამეცნიერო ჟურნალს - „კლინიკური და ტრანსლაციური მედიცინა - საქართველოს სამედიცინო ჟურნალი“.
2. დებულების მე-4 მუხლის მე-2 - მე-5 პუნქტები ჩამოყალიბდეს შემდეგი რედაქციით:
- „2. ფაკულტეტის სტრუქტურა განისაზღვრება ფაკულტეტის დებულებით და მის შემადგენლობაში შედის ფაკულტეტის ადმინისტრაცია (დეკანი, დეკანის მოადგილეები, ხარისხის უზრუნველყოფის სამსახურის ხელმძღვანელი), დამხმარე სტრუქტურული

ერთეულები, სასწავლო-სამეცნიერო სტრუქტურული ერთეულები, ფაკულტეტის სამეცნიერო-კვლევითი ერთეულები.

3. ფაკულტეტზე იქმნება კრედიტების აღიარების საფაკულტეტო კომისია.

4. ფაკულტეტზე მოქმედებს სტუდენტური თვითმმართველობა.

5. ფაკულტეტს აქვს ფაკულტეტის საბჭოს მიერ დამტკიცებული სტრატეგიული განვითარების გეგმა და კონცეფცია“.

3. დებულების მე-7 მუხლის მე-2 და მე-3 პუნქტები ჩამოყალიბდეს შემდეგი რედაქციით:

„2. ფაკულტეტის საბჭოში სტუდენტთა თვითმმართველობის წარმომადგენელთა რაოდენობა განისაზღვრება საბჭოს შემადგენლობის 1/4-ით. ფაკულტეტის საბჭოს წევრი სტუდენტური თვითმმართველობის წარმომადგენელი სტუდენტის სტატუსის შეწყვეტის შემთხვევაში ავტომატურად კარგავს ფაკულტეტის საბჭოს წევრობის უფლებას.

3. ფაკულტეტის საბჭოს შედგება 35 წევრისაგან მათ შორის სტუდენტები, სტუდენტური თვითმმართველობიდან (აღნიშნულ რაოდენობაში არ შედის დეკანი), რომლებიც აირჩევიან სასწავლო-სამეცნიერო კათედრებიდან, (თითოეული სასწავლო-სამეცნიერო სტრუქტურული არანაკლებ ერთი და არაუმეტეს 3 წევრი, რაც განისაზღვრება ფაკულტეტის საბჭოს გადაწყვეტილებით).“.

4. დებულების მე-7 მუხლს დაემატოს შემდეგი შინაარისის მე-5 - მე-9 პუნქტები:

„5. ფაკულტეტის საბჭოს წევრი აკადემიური პერსონალის არჩევნების ცხადდება დეკანის ინდივიდუალურ - სამართლებრივი აქტით (ბრძანება). დეკანის ბრძანება ფაკულტეტის საბჭოს წევრთა არჩევნების შესახებ უნდა იყოს ყველასათვის ხელმისაწვდომი და საჯარო გაცნობის მიზნით გამოქვეყნდეს თვალსაჩინო ადგილას.

6. ფაკულტეტის საბჭოს წევრობის კანდიდატი შეიძლება იყოს შესაბამისი მინიმალულების აკადემიური პერსონალი.

7. ფაკულტეტის საბჭოში აკადემიური პერსონალის წარმომადგენლები აირჩევიან შესაბამისი კათედრის სხდომაზე ღია კენჭისყრით. სხდომაზე ირჩევენ თავმჯდომარესა და მდივანს. კენჭისყრის შედეგები ჯამდება სათანადო ოქმით. კანდიდატების დასახელება ხდება სხდომაზე. კათედრის თითოეულ წევრს შეუძლია საკუთარი კანდიდატურის, ასევე სხვა კანდიდატურების დასახელება. ყოველ კანდიდატს კენჭი ეყრება ინდივიდუალურად. უკეთესი შედეგის მქონე კანდიდატი ხდება ფაკულტეტის საბჭოს წევრი. თანაბარი ხმების მიღების შემთხვევაში კენჭისყრა ტარდება განმეორებითი. განსაკუთრებულ შემთხვევაში, კენჭისყრა შეიძლება ჩატარდეს ინტერნეტ (ონლაინ) კომუნიკაციის მეშვეობით.

8. ფაკულტეტის საბჭოს წევრად არჩეული აკადემიური პერსონალის უფლებამოსილების ვადა განისაზღვრება აკადემიური თანამდებობისათვის დადგენილი ვადის შესაბამისად. აკადემიური თანამდებობისათვის დადგენილი ვადის გასვლის ან აკადემიური თანამდებობის ვადაზე ადრე დატოვების შემთხვევაში პირს ავტომატურად უწყდება ფაკულტეტის საბჭოს წევრის სტატუსი. ფაკულტეტის საბჭოს ვაკანტური ადგილის

დასაკავებლად იმართება განმეორებითი არჩევნები კანონმდებლობითა და ამ მუხლით განსაზღვრული პროცედურების დაცვით.

9. ფაკულტეტის საბჭოს თავმჯდომარეობს ფაკულტეტის დეკანი. მისი არყოფნის შემთხვევაში ფაკულტეტის საბჭოს თავმჯდომარის ფუნქციას ასრულებს დეკანის მოვალეობის შემსრულებელი“.

5. დებულების მე-8 მუხლი ჩამოყალიბდეს შემდეგი რედაქციით:

„მუხლი 8. ფაკულტეტის საბჭოს უფლებამოსილებები

1. ფაკულტეტის საბჭო:

ა) განსაზღვრავს და თსუ-ის ადმინისტრაციის ხელმძღვანელს წარუდგენს ფაკულტეტის ბიუჯეტის ხარჯვითი ნაწილის პროექტს;

ბ) თავისუფალი და თანასწორი არჩევნების საფუძველზე, ფარული კენჭისყრით, სიითი შემადგენლობის უმრავლესობით ირჩევს ფაკულტეტის დეკანს;

გ) დეკანის წარდგინებით შეიმუშავებს და უმაღლესი საგანმანათლებლო დაწესებულების აკადემიურ საბჭოს დასამტკიცებლად წარუდგენს ფაკულტეტის განვითარების სტრატეგიულ გეგმას, საგანმანათლებლო და სამეცნიერო-კვლევით პროგრამებს;

დ) დეკანის წარდგინებით შეიმუშავებს ფაკულტეტის წინამდებარე დებულებით განსაზღვრულ სტრუქტურასა და დებულებას და დასამტკიცებლად წარუდგენს წარმომადგენლობით საბჭოს;

ე) ირჩევს ფაკულტეტის ხარისხის უზრუნველყოფის სამსახურის ხელმძღვანელს;

ვ) თავისი შემადგენლობიდან ირჩევს საბჭოს მდივანს;

ზ) უფლებამოსილია, დეკანის მიერ საქართველოს კანონმდებლობის დარღვევის, დეკანისათვის დაკისრებული მოვალეობების არასათანადოდ შესრულების ან/და დეკანისათვის შეუფერებელი საქმიანობის განხორციელების საფუძველით, ფაკულტეტის საბჭოს წევრების არანაკლებ 1/3-ის მოთხოვნით განიხილოს დეკანის უფლებამოსილების ვადამდე შეწყვეტის საკითხი. გადაწყვეტილება დეკანის უფლებამოსილების ვადამდე შეწყვეტის თაობაზე მიიღება ფარული კენჭისყრით, სიითი შემადგენლობის უმრავლესობით. დეკანი ამ პუნქტით გათვალისწინებულ კენჭისყრებში არ მონაწილეობს. ამ საკითხებზე მიღებული გადაწყვეტილებების გასაჩივრება არ იწვევს სადავო აქტის მოქმედების შეჩერებას;

თ) აკადემიური უმაღლესი განათლების საფეხურების - ბაკალავრიატის, მაგისტრატურისა და ერთსაფეხურიანი განათლების პროგრამის - დამთავრებისას პირისათვის კვალიფიკაციის მინიჭების გადაწყვეტილებას იღებს ფაკულტეტის საბჭო;

ი) ქმნის სწავლებისა და კვლევის ხარისხის უზრუნველყოფის მექანიზმს;

კ) მაგისტრანტობის კანდიდატებისთვის შეიმუშავებს უმაღლესი საგანმანათლებლო

დაწესებულების მიერ განსაზღვრული გამოცდის/გამოცდების ჩატარების წესს საქართველოს განათლებისა და მეცნიერების მინისტრის ბრძანებით დადგენილი წესის შესაბამისად;

ლ) სამაგისტრო საგანმანათლებლო პროგრამის განხორციელების მიზნით განსაზღვრავს სპეციალობის /სპეციალობების ჩამონათვალს საგანმანათლებლო პროგრამის მიმართულებების ფარგლებში;

მ) უნივერსიტეტის აკადემიურ საბჭოს დასამტკიცებლად წარუდგენს კოეფიციენტებს ერთიანი ეროვნული გამოცდებისთვის და საერთო სამაგისტრო გამოცდებისთვის, აგრეთვე, ფაკულტეტზე მისაღებ სტუდენტთა რაოდენობას;

ნ) დეკანის წარდგინებით, ამტკიცებს საატესტაციო კომისიას ასევე დეკანის წარდგინებით ნიშნავს სასწავლო-სამეცნიერო ხელმძღვანელებს;

ო) სამაგისტრო საგანმანათლებლო პროგრამის განხორციელების მიზნით განსაზღვრავს ფაკულტეტზე მაგისტრატურაში მისაღებ სტუდენტთა რაოდენობას;

პ) სადოქტორო პროგრამების განხორციელების მიზნით ამტკიცებს დოქტორანტების საკვლევ თემატიკის ჩამონათვალს და ფაკულტეტზე დოქტორანტურაში მისაღებ სტუდენტთა რაოდენობას;

ჟ) ახორციელებს ამ დებულებითა და საქართველოს კანონმდებლობით მისთვის მინიჭებულ სხვა უფლება მოსილებას."

6. დებულების მე-9 მუხლის მე-3 პუნქტი ჩამოყალიბდეს შემდეგი რედაქციით:

„3. ფაკულტეტის საბჭოს სხდომა ტარდება სემესტრში არანაკლებ ორჯერ; საჭიროების შემთხვევაში, ის შეიძლება ჩატარდეს ელექტრონული კომუნიკაციის საშუალებითაღ“.

7. დებულების მე-9 მუხლს დაემატოს შემდეგი შინაარსის მე-6 პუნქტი:

„6. ფაკულტეტის საბჭო უფლებამოსილია კონკრეტული საკითხის შესასწავლად შექმნას სპეციალური დროებითი კომისია“.

8. დებულების მე-12 მუხლის მე-4 პუნქტი ჩამოყალიბდეს შემდეგი რედაქციით:

„4. ფაკულტეტის დეკანად შეიძლება აირჩეს პროფესორი ან ასოცირებული პროფესორი, კანდიდატად რეგისტრაციისათვის აუცილებელია ავტობიოგრაფიისა და ფაკულტეტის განვითარების კონცეფციის წარმოდგენა. დეკანის თანამდებობის დასაკავებლად კანდიდატების რეგისტრაციაზე გადაწყვეტილებას იღებს ფაკულტეტის საბჭო. თითოეული კანდიდატი რეგისტრირებულად ჩაითვლება თუ მას მხარს დაუჭერს ფაკულტეტის საბჭოს სიითი შემადგენლობის ნახევარზე მეტი.“.

9. დებულების მე-12 მუხლის შემდეგ დაემატოს შემდეგი შინაარსის მე-12¹ მუხლი:

„მუხლი 12¹. დეკანის მოადგილეები

1. ფაკულტეტის დეკანს ჰყავს ორი მოადგილე, საქმიანობის სასწავლო და სამეცნიერო სფეროებში.

2. დეკანის მოადგილეების ძირითადი ამოცანებია:

- ა) სასწავლო პროცესის და სამეცნიერო კვლევების ეფექტიანად წარმართვის უზრუნველყოფა;
- ბ) ფაკულტეტზე სამეცნიერო აქტივობის და დოქტორანტთა მართვის ოპტიმალური სისტემის ფუნქციონირების უზრუნველყოფა;
- გ) დეკანის დავალებათა შესრულება.”

10. დებულების მე-13 მუხლს დაემატოს შემდეგი შინაარსის მე-2 პუნქტი:

„2. დეკანის მიერ თავის უფლებამოსილებათა განხორციელების დროებით შეუძლებლობის შემთხვევაში, დეკანის მოვალეობის შემსრულებლის განსაზღვრის შესახებ შესაბამისი სამართლებრივი აქტის არარსებობისას, მის მოვალეობას ავტომატურად ასრულებს დეკანის მოადგილე სასწავლო სფეროში“.

11. დებულების მე-15 მუხლის მე-2 პუნქტი ჩამოყალიბდეს შემდეგი რედაქციით:

„2. ფაკულტეტის ხარისხის უზრუნველყოფის სამსახურის წევრი შეიძლება იყოს ფაკულტეტის საბჭოს წევრი ასოცირებული პროფესორი ან პროფესორი.“.

12. დებულების მე-16 მუხლს დაემატოს შემდეგი შინაარსის მე-5 - მე-7 პუნქტები:

„5. ფაკულტეტის ხარისხის უზრუნველყოფის სამსახური ახორციელებს საგანმანათლებლო პროგრამების სისტემატიურ მონიტორინგს. მიღებულ შედეგებს წარადგენს ფაკულტეტის საბჭოზე პროგრამების შემდგომი დახვეწის მიზნით.

6. ფაკულტეტის ხარისხის უზრუნველყოფის სამსახური შეიმუშავებს ფაკულტეტის დამოუკიდებელი სამეცნიერო-კვლევითი ერთეულის სამეცნიერო-კვლევითი საქმიანობის შიდა შეფასების წესს თსუ-ში დადგენილი წესის შესაბამისად.

7. ფაკულტეტის ხარისხის უზრუნველყოფის სამსახური თავისი საქმიანობის შესახებ ფაკულტეტის საბჭოს წარუდგენს ანგარიშს წელიწადში ერთხელ ან საჭიროებისამებრ“.

13. დებულების მე-17 მუხლი ჩამოყალიბდეს შემდეგი რედაქციით:

„**მუხლი 17. ფაკულტეტის ხარისხის უზრუნველყოფის სამსახურის უფროსი**

1. ფაკულტეტის ხარისხის უზრუნველყოფის სამსახურის უფროსს უნივერსიტეტის ხარისხის უზრუნველყოფის სამსახურის უფროსის წარდგინებით ირჩევს ფაკულტეტის საბჭო. ფაკულტეტის საბჭოს შეიძლება წარედგინოს ერთი ან ერთზე მეტი კანდიდატურა.

2. არჩეულად ჩაითვლება პირი, რომელიც მიიღებს საბჭოს ხმების სიითი შემადგენლობის ნახევარზე მეტს.

3. თუ ვერცერთმა პრეტენდენტმა ვერ დააგროვა ხმების ეს რაოდენობა, გაიმართება მეორე ტური, რომელშიც მონაწილეობს პირველ ტურში საუკეთესო შედეგის მქონე ორი პრეტენდენტი. ხმების თანაბრად გაყოფის შემთხვევაში, მეორე ტურში გამსვლელთა გამოსავლენად ტარდება ხელახალი კენჭისყრა გამარჯვებულის გამოსავლენად. თუ არჩევნების მეორე ტურშიც ვერ გამოვლინდა გამარჯვებული, არაუგვიანეს 5 დღის განმავლობაში ინიშნება ახალი არჩევნების თარიღი.

4. ფაკულტეტის ხარისხის უზრუნველყოფის სამსახურის ხელმძღვანელი:

- ა) წარმართავს ფაკულტეტის ხარისხის უზრუნველყოფის სამსახურის საქმიანობას თსუ-ის წესდების, უნივერსიტეტის ხარისხის უზრუნველყოფის სამსახურისა და ფაკულტეტის დებულებების შესაბამისად;
- ბ) ანაწილებს მოვალეობებს ფაკულტეტის სამსახურის წევრებსა და თანამშრომლებს შორის;
- გ) ხელმძღვანელობს ფაკულტეტის ხარისხის უზრუნველყოფის სამსახურის მოკლე და გრძელვადიანი სამუშაო გეგმების შემუშავებასა და მათ შესრულებას;
- დ) წარმოადგენს ფაკულტეტის ხარისხის უზრუნველყოფის სამსახურს თსუ-ის მართვის ორგანოებთან, ფაკულტეტებთან და სხვა სამსახურებთან, ასევე თავისი კომპეტენციის ფარგლებში წარმოადგენს ფაკულტეტს მესამე პირებთან ურთიერთობისას;
- ე) საქართველოს კანონმდებლობით და თსუ-ის წესდებით დადგენილ ფარგლებში, დაკისრებული ფუნქციებისა და ამოცანების შესრულების მიზნით ახორციელებს სხვა უფლებამოსილებებს თავისი კომპეტენციის ფარგლებში.
5. ფაკულტეტის ხარისხის უზრუნველყოფის სამსახურის ხელმძღვანელის არყოფნის შემთხვევაში მის მოვალეობას ასრულებს სამსახურის ერთ-ერთი წევრი, სამსახურის ხელმძღვანელის წარდგინებით.
6. ფაკულტეტის ხარისხის უზრუნველყოფის სამსახურის ხელმძღვანელისათვის წასაყენებელ მოთხოვნებს განსაზღვრავს უნივერსიტეტი.“.

14. დებულების მე-18 მუხლის მუხლის მე-5 პუნქტი ჩამოყალიბდეს შემდეგი რედაქციით:

„5. ფაკულტეტის სასწავლო-სამეცნიერო კათედრებია:

- ა) კლინიკური ანატომიისა და ოპერაციული ქირურგიის კათედრა
 ბ) დერმატო-ვენეროლოგიის კათედრა
 გ) შინაგან დაავადებათა პროპედევტიკის კათედრა
 დ) შინაგან დაავადებათა კათედრა
 ე) ინფექციურ დაავადებათა და კლინიკური იმუნოლოგიის კათედრა
 ვ) მენოპა-გინეკოლოგიის და რეპროდუქტოლოგიის კათედრა
 ზ) ნევროლოგიისა და ნეიროქირურგიის კათედრა
 თ) ონკოლოგიისა და პალიატიური უზრუნველობის კათედრა
 ი) პათოლოგიისა და სასამართლო მედიცინის კათედრა
 კ) პედიატრიის კათედრა
 ლ) ფარმაკოლოგიის კათედრა
 მ) ფსიქიატრიისა და სამედიცინო ფსიქოლოგიის კათედრა
 ნ) ზოგადი ქირურგიის კათედრა
 ო) კლინიკური ქირურგიის კათედრა - I
 პ) კლინიკური ქირურგიის კათედრა - II
 ჟ) უროლოგიის კათედრა
 რ) კლინიკური და კვლევითი უნარ-ჩვევების განვითარების კათედრა
 ს) ოფთალმოლოგიის კათედრა
 ტ) სამედიცინო რადიოლოგიის და ენდოსკოპიის კათედრა
 უ) კრიტიკული მედიცინის კათედრა
 ფ) საზოგადოებრივი ჯანდაცვის დეპარტამენტი:
 ფ.ა) საზოგადოებრივი ჯანდაცვის და ეპიდემიოლოგიის კათედრა
 ფ.ბ) სამედიცინო ეთიკის კათედრა
 ქ) სტომატოლოგიის დეპარტამენტი:
 ქ.ა) ორთოპედული სტომატოლოგიის და იმპლანტოლოგიის კათედრა

ქ.ბ) თერაპიული სტომატოლოგიის კათედრა

ქ.გ) ყბა-სახის ქირურგიის კათედრა

ქ.დ) „ბავშვთა ასაკის სტომატოლოგიის და სტომატოლოგიურ დაავადებათა პროფილაქტიკის კათედრა.“.

15. დებულების მე-19 მუხლს დაემატოს შემდეგი შინაარსის მე-4 და მე-5 პუნქტები:

„4. დამზარე სტრუქტურული ერთეულები შედგება ხელმძღვანელის, ხელმძღვანელის მოადგილის (ასეთის არსებობის შემთხვევაში) და მათ შემადგენლობაში შეიძლება შედიოდნენ სხვადასხვა კატეგორიის სპეციალისტები (მთავარი სპეციალისტი (I კატეგორია), მთავარი სპეციალისტი (II კატეგორია), წამყვანი სპეციალისტი, უფროსი სპეციალისტი).

5. დამზარე სტრუქტურული ერთეულების თანამშრომელთა საშტატო ნუსხას და ერთეულების ხელმძღვანელებს ფაკულტეტის დეკანი დასამტკიცებლად წარუდგენს უნივერსიტეტის ადმინისტრაციის ხელმძღვანელს.“.

16. დებულების მე-20 მუხლის მე-4 პუნქტი ჩამოყალიბდეს შემდეგი რედაქციით:

„4. ფაკულტეტის ზეჰედი და შტამპი ინახება კანცელარიაში, რომლის გამოყენება ხდება ფაკულტეტის უფლებამოსილ პირთა გადაწყვეტილებით კანცელარიის მიერ.“.

17. დებულების 21-ე მუხლი ჩამოყალიბდეს შემდეგი რედაქციით:

„მუხლი 21. კანცელარიის პერსონალი

კანცელარიას ხელმძღვანელობს კანცელარიის უფროსი, რომელსაც ფაკულტეტის დეკანის წარდგინებით თანამდებობაზე ნიშნავს და ათავისუფლებს თსუ ადმინისტრაციის ხელმძღვანელი. მისი დროებით არყოფნის შემთხვევაში კანცელარიის უფროსის მოვალეობის შემსრულებელს განსაზღვრავს ფაკულტეტის დეკანი.“.

18. დებულების 24-ე მუხლის მე-2 პუნქტი ჩამოყალიბდეს შემდეგი რედაქციით:

„2. სამსახურის უფროსს ფაკულტეტის დეკანის წარდგინებით თანამდებობაზე ნიშნავს და თანამდებობიდან ათავისუფლებს უნივერსიტეტის ადმინისტრაციის ხელმძღვანელი. სამსახურის უფროსის დროებით არყოფნის შემთხვევაში (შვებულება, მივლინება, ავადმყოფობა და სხვ.) უფროსის მოვალეობის შემსრულებელს განსაზღვრავს ფაკულტეტის დეკანი.“.

19. დებულების 27-ე მუხლის მე-2 პუნქტი ჩამოყალიბდეს შემდეგი რედაქციით:

„2. სამსახურის უფროსს ფაკულტეტის დეკანის წარდგინებით თანამდებობაზე ნიშნავს და თანამდებობიდან ათავისუფლებს უნივერსიტეტის ადმინისტრაციის ხელმძღვანელი. სამსახურის უფროსის დროებით არყოფნის შემთხვევაში მისი მოვალეობის შემსრულებელს განსაზღვრავს ფაკულტეტის დეკანი.“.

20. დებულების 27-ე მუხლის მე-3 პუნქტი ჩამოყალიბდეს შემდეგი რედაქციით:

„3. სამსახურის უფროსის მოვალეობები:

- ა) სასწავლო პროცესის მართვის სამსახურის საქმიანობის წარმართვა, სამუშაოების დაგეგმვა და განაწილება თანამშრომელთა შორის კომპეტენციებისა და ფუნქციების შესაბამისად;
- ბ) აკადემიური პერსონალის დატვირთვებისა და ტუტორების საქმიანობის მონიტორინგი;
- გ) სასწავლო ბაზაში – სტუდენტთა აკადემიური მოსწრების შედეგების შეტანის ზედამხედველობა, სტუდენტთა რეგისტრაციის ორგანიზება;
- დ) სტუდენტთა პირადი საქმეების წარმოებაზე კონტროლი, სტუდენტებისათვის ცნობების მომზადებისა და გაცემის უზრუნველყოფა;
- ე) სტუდენტთა ინფორმირება და კონსულტაციის გაწევა სასწავლო პროცესთან დაკავშირებულ საკითხებზე;
- ვ) სტუდენტებისათვის აკადემიური ხარისხის მინიჭების წარდგინებისა და სამსახურის მიერ სტუდენტების დანართების მომზადებაზე კონტროლის განხორციელება;
- ზ) სამსახურის მიერ განხორციელებულ საქმიანობაზე პასუხისმგებლობა;
- თ) სასწავლო პროცესის მართვის სამსახურის წარმომადგენლობა მესამე პირებთან ურთიერთობაში.
- ი) უზრუნველყოფს სტუდენტებისათვის ცნობების მომზადებასა და გაცემას."

21. დებულების 28-ე მუხლის პირველი პუნქტის „ა“ და „ე“ ქვეპუნქტები ჩამოყალიბდეს შემდეგი რედაქციით:

- „ა) ახდენს სასწავლო პროცესის განხორციელების ორგანიზაციულ უზრუნველყოფას ფაკულტეტზე არსებული სხვადასხვა საფეხურის საგანმანათლებლო პროგრამების საფუძველზე;
- ე) ახდენს სტუდენტთა კონტიგენტის, ერთსაფეხურიანის, მაგისტრატურა, დოქტორანტურა) სემესტრული რეგისტრაციის ორგანიზებას;“.

22. დებულების 30-ე მუხლი ჩამოყალიბდეს შემდეგი რედაქციით:

„მუხლი 30. სამეცნიერო კვლევებისა და განვითარების სამსახურის პერსონალი

1. სამსახურის უფროსს ფაკულტეტის დეკანის წარდგინებით თანამდებობაზე ნიშნავს და თანამდებობიდან ათავისუფლებს უნივერსიტეტის ადმინისტრაციის ხელმძღვანელი.
2. სამსახურის უფროსის დროებით არყოფნის შემთხვევაში მისი მოვალეობის მოვალეობის შემსრულებელს განსაზღვრავს ფაკულტეტის დეკანი.“.

23. დებულების 32-ე მუხლი ჩამოყალიბდეს შემდეგი რედაქციით:

„ მუხლი 32¹ ფაკულტეტის დამხმარე სამეცნიერო სტრუქტურული ერთეული

1. ფაკულტეტის დამხმარე სამეცნიერო სტრუქტურულ ერთეულს წარმოადგენს:
 - ა) „არკადი ჯორბენაძის სახელობის კლინიკური პათოლოგიის სამეცნიერო პრაქტიკული ცენტრი“, რომლის საქმიანობის მიზნები და წესი განისაზღვრება ფაკულტეტის საბჭოს მიერ დამტკიცებული დებულებით.
 - ბ) „სამედიცინო ცენტრი“, რომელიც ამბულატორიული დაწესებულებაა და მოიცავს „სტომატოლოგიური კლინიკას“ და „თერაპიული კლინიკას“. „სამედიცინო ცენტრის“

საქმიანობის მიზნები და წესი განისაზღვრება ფაკულტეტის საბჭოს მიერ დამტკიცებული დებულებით.

გ) „ექსპერიმენტული მედიცინის კვლევითი და სატრენინგო ცენტრი“. „ექსპერიმენტული მედიცინის კვლევითი და სატრენინგო ცენტრის“ საქმიანობის მიზნები და წესი განისაზღვრება ფაკულტეტის საბჭოს მიერ დამტკიცებული დებულებით.

დ) „პათოლოგანატომიური ლაბორატორია“. „პათოლოგანატომიური ლაბორატორიის“ საქმიანობის მიზნები და წესი განისაზღვრება ფაკულტეტის საბჭოს მიერ დამტკიცებული დებულებით.“.

24. დებულების 36-ე მუხლი ჩამოყალიბდეს ახალი რედაქციით:

„მუხლი 36. პერსონალის შემადგენლობა

1. ფაკულტეტზე შეიძლება არსებობდეს აკადემიური, ადმინისტრაციული, სამეცნიერო და დამხმარე თანამდებობები.

2. ფაკულტეტის აკადემიურ (საგანმანათლებლო-სამეცნიერო) პერსონალს მიეკუთვნება: პროფესორი, ასოცირებული პროფესორი, ასისტენტ-პროფესორი და ასისტენტი.

3. ფაკულტეტის ადმინისტრაციულ პერსონალს მიეკუთვნებიან: დეკანი, დეკანის მოადგილეები და ხარისხის უზრუნველყოფის სამსახურის ხელმძღვანელი.

4. სამეცნიერო თანამდებობებს მიეკუთვნება დამოუკიდებელი სამეცნიერო-კვლევითი ერთეულების პერსონალი, ფაკულტეტების სამეცნიერო-კვლევითი ინსტიტუტების პერსონალი.

5. დამხმარე პერსონალს მიეკუთვნებიან საშტატო განრიგით გათვალისწინებული, ასევე ხელშეკრულების საფუძველზე მოწვეული შტატგარეშე, ფაკულტეტის საქმიანობისთვის აუცილებელი პირები, მათ შორის ლაბორანტებიც.

6. ფაკულტეტი უფლებამოსილია, აკადემიური თანამდებობის დაკავების გარეშე მოიწვიოს შესაბამისი კვალიფიკაციის მქონე სპეციალისტი სასწავლო ან/და სამეცნიერო-კვლევით პროცესში მონაწილეობის ან/და ამ პროცესის წარმართვის მიზნით.

7. ფაკულტეტის პერსონალის საქმიანობის შეფასება ხორციელდება თსუ-ის შესაბამისი რეგულაციების საფუძველზე.“.

25. დებულების 40-ე მუხლი ჩამოყალიბდეს შემდეგი რედაქციით:

„ მუხლი 40. მედიცინის ფაკულტეტის სტუდენტი

1: მედიცინის ფაკულტეტის სტუდენტი არის პირი, რომელიც „უმალლესი განათლების შესახებ“ საქართველოს კანონითა და თსუ-ის წესდებით განსაზღვრული წესით ჩაირიცხა და სწავლობს თსუ-ის მედიცინის ფაკულტეტზე ერთსაფეხურიანი, მაგისტრატურის ან დიპლომირებული სპეციალისტის, რეზიდენტურის, ასევე დოქტორანტურისა და სარეზიდენტო პროგრამის გასავლელად.

2-სტუდენტის უფლება-მოვალეობები განისაზღვრება თსუ-ის წესდებით.

3. სტუდენტის სტატუსის შეჩერება ან შეწყვეტა ხდება აკადემიური საბჭოს მიერ მოქმედი კანონმდებლობითა და უნივერსიტეტის შიდა სამართლებრივი აქტებით დადგენილი წესი მიხედვით.

4. საგანმანათლებლო პროგრამებზე მიღების წინაპირობები განსაზღვრულია შესაბამისი საგანმანათლებლო პროგრამით.“.

26. დებულების 41-ე მუხლი ჩამოყალიბდეს შემდეგი რედაქციით:

„მუხლი 41. მედიცინის ფაკულტეტზე სწავლება

1. ფაკულტეტზე სტუდენტები და რეზიდენტები/მაძიებლები ირიცხებიან კანონმდებლობითა და თსუ შესაბამისი შიდა სამართლებრივი აქტებით დადგენილი წესით
2. დიპლომირებული მედიკოსის/დიპლომირებული სტომატოლოგის საგანმანათლებლო პროგრამის სწავლების საფეხურზე საქართველოს მოქალაქეებისათვის სტუდენტის სტატუსის მოპოვების საფუძველია ერთიანი ეროვნული გამოცდების შედეგები, გარდა კანონმდებლობით განსაზღვრული შემთხვევებისა.
3. სტუდენტთა სემესტრული რეგისტრაცია ხორციელდება ორ ეტაპად: ადმინისტრაციული – სწავლის საფასურის გადახდით და აკადემიური (საგნობრივი) - „სასწავლო პროცესის მართვის სისტემის“ საშუალებით.
4. დიპლომირებული მედიკოსის/ დიპლომირებული სტომატოლოგის სწავლების საფეხურზე კრედიტების წლიური დასაშვები ოდენობა განისაზღვროს 65 კრედიტით (სემესტრში არაუმეტეს 30–35 კრედიტით).
5. საუნივერსიტეტო განათლების ცალკეული საფეხურის დასრულების შემდეგ კურსდამთავრებულს ენიჭება შესაბამისი აკადემიური ხარისხი/კვალიფიკაცია. დიპლომირებული მედიკოსის ან დიპლომირებული სტომატოლოგის აკადემიურ ხარისხს/დიპლომირებული სპეციალისტის კვალიფიკაციას დადგენილი წესის თანახმად, ანიჭებს ფაკულტეტის საბჭო;
6. აკადემიურ ხარისხს ადასტურებს უნივერსიტეტის რექტორისა და ფაკულტეტის დეკანის მიერ ხელმოწერილი და უნივერსიტეტის ბეჭდით დამოწმებული დიპლომი, სტანდარტული დანართითურთ.
7. მედიცინის ფაკულტეტის საგანმანათლებლო პროგრამების მიღება და ამოქმედება ხორციელდება მოქმედი კანონმდებლობისა და თსუ შიდა სამართლებრივი აქტებით განსაზღვრული წესით.“.

27. დებულების 43-ე მუხლს დაემატოს შემდეგი შინაარსის მე-11 პუნქტი:

„11. მოქმედი კანონმდებლობის, წინამდებარე დებულებისა და უნივერსიტეტის სხვა შესაბამისი სამართლებრივი აქტების გარდა, დოქტორანტურაში ჩარიცხვა და სწავლა რეგულირდება ასევე დოქტორანტურის მინიმალური სტანდარტით.“.

28. დებულების 48-ე მუხლის პირველი პუნქტი ჩამოყალიბდეს შემდეგი რედაქციით:

„1. ფაკულტეტის სტრუქტურასა და დებულებას დეკანის წარდგინებით შეიმუშავებს ფაკულტეტის საბჭო და ამტკიცებს თსუ-ის წარმომადგენლობით საბჭო.“.



ნინო ჯორჯაძე

